

卷四

書名 春秋左傳註疏六十卷
 撰者 晉 杜預 注, 唐 陸德明 音義, 唐 孔穎達 疏
 卷 卷四
 內容分類 經-春秋-春秋左傳-唐
 索書號 經部-彙刻-1
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

春秋左傳註疏卷第一

晉杜氏註

唐孔穎達疏

春秋序

○陸曰此元凱所作既以釋經故依例音

釋例序之本或題為春秋左傳序者沈文何以爲
 今不用疏正義曰此序題目文多不同或云春
 集解序或云春秋左氏傳序按晉宋古本及今
 定本並云春秋左氏傳序今依用之南人多云
 此本釋例序後人移之於此且有題曰春秋釋
 例序置之釋例之端今所不用晉太尉劉寔與
 杜同時人也宋大學博士賀道養去杜亦近俱
 爲此序作註題並不言釋例序明非釋例序也
 又晉宋古本序在集解之端徐邈以晉世言五
 經音訓爲此序作音且此序稱分年相附隨而

東方文化學院東京研究所

No. 2390

0 1 2 3 4 5 6 7 8 9 ⁴/₁₀ 1 2 3 4 5 6 7 8 9 ⁴/₁₀



春秋左傳註疏卷第四

隱六年盡十一年

晉杜氏註

唐孔穎達疏

經六年春鄭人來渝平

和而不盟曰平

渝羊朱反變也

和而不盟曰平。正義曰：宣十五年，宋人及楚人平，傳載其盟辭。昭七年，燕暨齊平，傳稱盟于濡上，似平皆有盟而云不盟者，平實解怨和好之辭，非要盟也。彼自既平之後，別為盟耳。此與定十年及齊平皆傳無盟事。定十一年及鄭平，下乃云叔還如鄭，洫盟平後，乃盟知平，非盟也。

夏五月辛酉公會齊侯盟于艾

泰山牟縣東南有艾

山蓋反

秋七月註雖無事而書首月具四時以成歲也皆故此

註雖無至放此○正義曰公羊傳曰此無事何以

書春秋雖無事首時過則書首時過則何以書春

秋編年四時具然後為年此註用公羊為說釋例曰

年之四時雖或無事必空書首月以紀時變以明歷

也數

冬宋人取長葛註秋取冬乃告也上有伐鄭圍長葛長

葛鄭邑可知故不言鄭也前年冬圍不克而還今冬

乘長葛無備而取之言易也○易以政註秋取至

義曰經書冬傳言秋丘明為傳例不虛舉經文獨以

秋言此事明是以秋取冬乃告也冬告者告言冬始

取耳故書之於冬若其使以冬至告言秋取亦當追

書於秋八年傳曰冬齊侯使來告成三國秋成冬告

書之於秋明此以冬取告故書於冬也賈服以為長

葛不能繫鄭者刺不能撫有其邑凡邑為他國所取皆

是不能撫有之何故於此獨為惡鄭故杜以為上有

伐鄭圍長葛則長葛鄭邑可知故不言鄭也既言秋

取取實在秋因其經文在冬遂言冬乘無備襄十三

年傳例曰凡書取言易也知此乘其無備而取之也

杜知長葛不繫鄭非大都以名通者以前年云伐鄭

圍長葛長葛之文繫於鄭故也劉炫以大都各通而

規杜氏

非也



傳六年春鄭人來渝平更成也註渝變也公之為公

子戰於狐壤為鄭所執逃歸怨鄭鄭伐宋公欲救宋

宋使者失辭公怒而止忿宋則欲厚鄭鄭因此而來

故經書渝平傳曰更成○壤如掌反註渝變至更

渝變也釋言文變平者變更前惡而復為和好變即
更之義成則平之訓故傳解渝平謂之更成自孤壤
以來與鄭不和今日復和故曰更成言更復孤壤以
前之好也服虔云公為鄭所獲釋而不結平於是更
為約束以結之故曰渝平案傳公賂尹氏 ○翼九宗
而與之逃歸非鄭所釋安得釋而結平也

五正項父之子嘉父逆晉侯于隨 翼晉舊都也唐

叔始封受懷姓九宗職官五正遂世為晉强家五正

五官之長九宗一姓為九族也項父之子嘉父晉大

夫 ○項音傾長丁丈 **註**翼晉至大夫 ○正義曰唐

反下文及註同 **註**叔始封受懷姓九宗職官五
正者謂周成王滅唐始封唐叔於懷氏一姓九族及
景先代五官之長子孫賜之言五官之長者謂於殷
時為五行官長今褒寵唐叔故以其家族賜之耳今
云項父之子嘉父者以項父舊居職位各號章顯嘉



父新為大夫未甚著見故繫之於 **納諸鄂晉人謂之**

鄂侯 鄂晉別邑諸地名疑者皆言有以示不審闕

者不復記其闕他皆放此前年桓王立此侯之子於

翼故不得復入翼別居鄂 ○鄂五各反不 **註**諸地

○正義曰杜言不復記其闕者謂但言某邑而已下
不云闕若鄂直云晉別邑及翼侯奔隨註云隨晉地
鄭人侵衛牧註云牧衛邑如此之類皆不言闕是也
若不知何國之地者則言闕若虞公出奔共池公孫
嬰齊卒于狸服並註云闕是也亦有雖知某國之地
註亦云闕則隱十一年蘇忿生十二邑註陸云闕者
以餘邑皆知所在

夏盟于艾始平于齊也 春秋

前魯與齊不平今乃棄惡結好故言始平于齊 ○好

反 ○五月庚申鄭伯侵陳大獲往歲鄭伯請成于陳

成猶平也 五月庚申○正義曰案經盟于艾亦在五月傳畧不言月庚申之日須月

以統之故別言五月他者放此 陳侯不許五父諫曰親仁善鄰國之

實也君其許鄭 五父陳公子他○他徒何反陳侯人名皆同

曰宋衛實難 可畏難也○難乃旦反註同 鄭何能為遂不

許君子曰善不可失惡不可長其陳桓公之謂乎長

惡不悛從自及也 悛止也從隨也○悛七全反 雖欲救

之其將能乎商書曰惡之易也如火之燎于原不可

鄉邇 商書盤庚言惡易長如火焚原野不可鄉近



燎力召反又力弔反鄉木又作嚮同許亮反近附近之近 其猶可撲滅 言不

可撲滅 撲音反 周任有言 周任周大夫音壬 曰為

國家者見惡如農夫之務去草焉芟夷蘊崇之絕其

本根勿使能殖則善者信矣 芟刈也夷殺也蘊積

也崇聚也○去起呂反芟所銜反說文作發匹未反云以足躡夷草蘊紆紛反信如字一音申

○秋宋人取長葛 ○冬京師來告饑公為之請糴於

宋衛齊鄭禮也 告饑不以王命故傳言京師而不

書於經也雖非王命而公共以稱命已國不足旁請

鄰國故曰禮也傳見隱之賢 為于偽反糴直歷反見賢遍反

饑至之賢○正義曰王使至魯皆應書經此獨不書故解之以人情恕之不得自不輸粟空言他人故知已國不足旁請鄰國故曰禮也定五年歸粟于蔡尚書於經此不書者魯以往歲螟災故已國饑困所輸不多宋鄭輸粟不復告魯故皆不書此事無經而發故解傳意見隱之賢諸無經之傳皆意有所見悉皆放

此○鄭伯如周始朝桓王也註桓王即位周鄭交惡至是乃朝故曰始王不禮焉周桓公言於王曰我周

之東遷晉鄭焉依註周桓公周公黑肩也周采地扶

風雍縣東北有周城幽王為犬戎所殺平王東徙晉

文侯鄭武公左右王室故曰晉鄭焉依○焉依如字或於虔反非

雍於用反左音佐疏周桓至焉依○正義曰桓公右音祐又並如字疏是周公黑肩事見桓十八年傳



也幽王娶申女為后生太子宜曰後得褒姒嬖之生子伯服廢申后逐太子以褒姒為后伯服為太子宜曰奔申申侯乃與犬戎共攻幽王殺幽王於驪山之下於是諸侯乃與申侯共立宜曰是為平王以西都偏戎晉文侯鄭武公夾輔平王東遷洛邑毛詩尚書國語史記皆畧有其事善鄭以勸來

者猶懼不註既至也○既其器反況不禮焉鄭不來矣

註為桓五年諸侯從王伐鄭傳

經七年春王三月叔姬歸于紀註無傳叔姬伯姬之姊

也至是歸者待年於父母國不與嫡俱行故書○嫡本又

作適同疏叔姬至故書○正義曰女嫁於他國皆丁歷反疏有姪姊與適俱行則所尊在適書適不書

姪姊叔姬待年之女年滿特行故書其歸魯女嫁於他國之卿皆書之夫人之姊尊與卿同其書固是常

例賈云書之者刺紀貴叔
姬傳無其事是妄說也

滕侯卒 傳例曰不書名未同盟也滕國在沛國公丘

縣東南 音貝 滕侯卒 正義曰譜云滕姬姓文王

郡公丘縣是也自叔繡至宣公十七世乃見春秋隱

公以下春秋後六世而齊滅之世本云齊景公亡滕

案齊景之卒在滕隱之前世本言隱公之後仍有六

世為君而云齊景亡滕為謬何甚服虔昭四年註亦

云齊景亡滕是不考校而謬言之地理志云沛郡公

丘縣故滕國也周文王子錯叔繡所封三十一世為

滅齊所

東北 琅音郎 沂魚依反

夏城中丘 城例在莊二十九年中丘在琅邪臨沂縣

齊侯使其弟年來聘 諸聘皆使卿執玉帛以相存問

例在襄九年 諸聘至九年 正義曰聘禮使者

云享獻也既聘又獻所以厚恩惠也是執玉帛以相

存問也玉人執云璋圭璋璧琮八寸以規聘註云八

寸者據上公之臣案聘禮圭以聘君璋以聘夫人既

行聘之後璧以享君琮以享夫人又鄭玄註小行人

云使卿大夫親聘降其君瑞一等則侯伯之臣圭璋

璧琮皆六寸子男之臣皆四寸又小行人云圭以馬

璋以皮璧以帛琮以錦琥以繡璜以黼鄭玄註云二

王之後享天子圭以馬享后璋以皮其餘諸侯享天

秋公伐邾

冬天王使凡伯來聘 凡伯周卿士凡國伯爵也汲郡

春秋

卷之四

五

共縣東南有凡城○共音恭凡字本作汎音凡戎伐凡伯于楚丘

以歸○戎鳴鐘鼓以伐天子之使見夷狄疆蹙不書

凡伯敗者單使無衆非戰陳也但言以歸非執也楚

丘衛地在濟陰城武縣西南○使所吏反下同見賢

反○既言伐知其鳴鐘鼓也杜意言以歸者以彼隨

已而已非囚執之辭故云但言以歸非執也杜必知

以歸非執者穀梁傳云以歸猶愈乎執也又昭十三

年晉人執季孫意如以歸若以歸是執何須別起執

文明直言以歸者非執也至如定四年以沈于嘉歸

經云殺之哀七年以邾子益來傳云囚諸負瑕既有

囚殺之文容或是執若直言以歸無囚殺之事者則

非執者也春秋有文同事異此即其類也劉君引

沈于邾子云以歸者皆執以規杜氏非其義也

傳七年春滕侯卒不書名未同盟也凡諸侯同盟於

是稱名故薨則赴以名○盟以名告神故薨亦以名

告同盟告終嗣也以繼好息民○告亡者之終稱嗣

位之主嗣位之主當奉而不忘故曰繼好好同則和

親故曰息民○好呼報反註同謂之禮經○此言凡例乃周

公所制禮經也十一年不告之例又曰不書於策明

禮經皆當書於策仲尼修春秋皆承策為經丘明之

傳博采衆記故始開凡例特顯此二句他皆放此○

凡諸至禮經○正義曰諸侯者公侯伯子男五等之



故總稱諸侯也諸發凡者皆周公之垂法史書之舊章丘明采合舊語以發明史例雖意是舊典而辭出丘明非全寫舊語同盟稱名薨則赴以名是周公之舊典其告終稱嗣以下乃是解釋赴意非舊語也僖二十三年又發例曰凡諸侯同盟死則赴以名禮也直言赴名是禮不言繼好是禮繼好息民是禮之大意非禮之實明是丘明言此以解赴名之意彼云禮也此云謂之禮經其事一也言謂此赴名為禮之常法丘明之意言周公謂之然也謂之禮經雖指此一○事諸發凡者莫不盡然以此為例之初故特言之○此言至放此○正義曰凡例是周公所制其來亦無所出以傳言謂之禮經則是先聖謂之非丘明自謂之也史之書策必有舊法一代大典周公所制故知凡例亦是周公所制此言凡例則云謂之禮經不言凡例則云不書于策以此明所謂禮經皆當書策從傳之首至此始開凡例故特顯此二句二句者謂之禮經是一句與不書于策為二句也然則九年凡兩自三日以往為霖不以為始而遠取十一年云始



開凡例者以九年唯記當國雨雪之事 ○夏城中丘史策舊文非是赴告國家大事之例

書不時也 ○齊侯使夷仲年來聘結艾之盟也 艾

盟在六年 ○秋宋及鄭平七月庚申盟于宿公伐邾

為宋討也 公距宋而更與鄭平欲以鄭為援今鄭

復與宋盟故懼而伐邾欲以求宋故曰為宋討 宋于

偽反註為宋同援 ○初戎朝于周發幣于公卿凡伯

弗賓 朝而發幣於公卿如今計獻詣公府卿寺

朝而至卿寺 ○正義曰朝於天子獻國之所有亦發陳財幣於公卿之府寺如今者如晉時諸州年終遣會計之吏獻物於天子因令以物詣公府卿寺然自漢以來三公所居謂之府九卿所居謂之寺風俗

通曰府聚也公卿牧守府道德之所聚也藏府私府財貨之所聚也寺司也庭有法度今官所止皆曰寺釋名曰寺嗣也治事者相嗣續於其內

冬王使凡伯來聘還戎伐之于

楚丘以歸傳言凡伯所以見伐○陳及鄭平

年鄭侵陳大獲今乃平十二月陳五父如鄭洫盟

洫臨也壬申及鄭伯盟如忘志不在於歛血也

○歛色洽反歛血也如忘如忘○正義曰歛謂亡亮反服虔云如而也

口遺忘物然故註云志不在於歛血也服虔云如而似臨歛而忘其盟載之辭言不精也盟載之辭在於也策祝史讀以告神非歛者自誦之何言忘載辭也簡忘否在心五父終不自言已忘洫伯安知其忘而

且譏洫伯曰五父必不賴盟矣洫伯鄭洫駕



○洫息列反鄭良佐如陳洫盟良佐鄭大夫辛巳及陳

侯盟亦知陳之將亂也入其國觀其政治故總言

之也皆為桓五年六年陳亂蔡人殺陳佗傳治直吏反

○鄭公子忽在王所故陳侯請妻之以忽為王寵

妻妻七計反鄭伯許之乃成昏為鄭忽失齊昏援以

至出奔傳為鄭于偽反

經八年春宋公衛侯遇于垂垂衛地濟陰句陽縣東

北有垂亭句古侯反

三月鄭伯使宛來歸訪宛鄭大夫不書氏未賜族訪

春秋左傳卷之四十九

鄭祀泰山之邑在琅邪費縣東南○宛於阮反祀必彭反費音祕

註宛鄭至東南○正義曰內卿貶則去族外卿貶則稱人外無去族之理今宛無族傳無譏文故知未賜

族也傳言鄭釋泰山之祀使來歸祊知祊是鄭祀泰山之邑鄭以桓公之故受邑泰山之下天子祭泰山必從往助祭使其湯沐焉故公羊謂之湯沐之邑既有此邑因立州廟劉炫云言祀泰山之邑者謂泰山之旁有此邑邑內有鄭宗

廟之祀蓋祀桓武之神 **庚寅我入祊**註桓元年乃

卒易祊田知此入祊未肯受而有之

夏六月己亥蔡侯考父卒註無傳襄六年傳曰祀桓公

卒始赴以名同盟故也諸侯同盟稱名者非唯見在

位之君也嘗與其父同盟則亦以名赴其子亦所以

繼好也蔡未與隱盟蓋春秋前與惠公盟故赴以名

○見賢遍反 **註**襄六至以名○正義曰同盟赴名

好呼報反 **註**自有成例而引祀桓公者蔡自春秋

以來未與魯盟疑與惠公同盟故引祀桓公為例祀桓

與成公同盟而以名赴襄公傳曰同盟故也則與其

父盟得以名赴其子故疑蔡與惠盟故以名赴隱也

同盟稱名則兩君相知君既知之則國內皆知故彼

父雖薨得以名赴彼子以此名嘗與彼父對稱故也

若父與彼盟彼君雖在此子不得以其名赴以此名


未與彼君 **辛亥宿男卒**註無傳元年宋魯大夫盟于

對稱故也

宿宿與盟也晉荀偃禱河稱齊晉君名然後自稱名

知雖大夫出盟亦當先稱己君之名以啓神明故薨

皆從身盟之例當告以名也傳例曰赴以名則亦書



之不然則否辟不敏也今宿赴不以名故亦不書名諸例或發於始事或發於後者因宜有所異同亦或

丘明所得記註本末不能皆備故○宿與音預下不與同禱丁老反或

丁報○地○主與之元年至備故○正義曰於例盟以國地則

反是徵人宿君必不親與知宿亦大夫盟也盟禱雖異俱是告神荀偃之禱先稱君名知大夫聚盟亦各稱

君名臣盟既稱君名則君薨得以名赴宿君之卒宜以名赴魯今宿男不各自不以名赴非法不得也故

引僖二十三年傳例以明之言其赴不以名雖知亦不得書也諸君不親盟而以名赴魯註云大夫盟於

某者義皆出此衛冀隆難杜云周人以諱事神臣子何得以君之名告神又荀偃禱河一時事耳非正

禮也何得知大夫盟先稱君名乎杜必為此解者以諱事神謂諱神之各以事其神若祭祖而諱祖之類



山川之神尊於諸侯故尚書武成告名山大川云有道周王發則荀偃禱河自稱君名於理何怪杜云諸例或發於始事或發於後者若十年滕侯卒傳自凡諸侯同盟於是稱名及桓二年公至自唐凡公行告于宗廟是或發於始事也宣四年凡弑君稱君及僖二十六年凡師能左右之曰以是或發於後也云因宜有所異同者宣四年鄭公子歸生弑君嫌歸生無罪及宣五年高固來逆叔姬嫌見偪成昏故傳因以明之是也云亦或丘明所得記註本末不能皆備者但杜又自疑以為諸例皆應從始事而發在後發者以記註周公舊凡不繫於始事繫於後事丘明作傳因記註所繫遂以發之如杜此言則周公舊凡於記註之文散在諸事丘明作傳因記註之文發例故或先或後也

秋七月庚午宋公齊侯衛侯盟于瓦屋○齊侯尊宋使

主會故宋公序齊上瓦屋周地○正義曰春秋之例

國以大小為序外傳鄭語云齊莊僖於是乎小伯此齊侯即僖公也此盟平宋衛也齊為會主則齊宜在上今宋在齊上故特解之由宋敬齊侯與衛先遇故齊侯尊宋使為會主瓦屋既闕知是周地者以其會于溫盟于瓦屋會盟不得相遠溫是周地知瓦屋亦周地也

八月葬蔡宣公無傳三月而葬速

九月辛卯公及莒人盟于浮來莒人微者不嫌敵公

侯故直稱公例在僖二十九年浮來絕邑東苑縣北

有邳鄉邳鄉西有公來山號曰邳來問邳蒲悲

莒人至來問○正義曰僖二十九年公會于虎及諸侯之卿盟于翟泉沒公不言貶卿稱人直言會某人某人傳曰卿不書罪之也在禮卿不會諸侯會伯于男可也此莒人乃對會公侯故解之莒是小國

卿當稱人非貶辭也微者不嫌能敵公侯故直稱公也

螟無傳為災

冬十有二月無駭卒公不與小歛故不書日卒而後

賜族故不書氏斂力驗反

傳八年春齊侯將平宋衛平宋衛於鄭有會期宋

公以幣請於衛請先相見宋敬齊命衛侯許之故

遇于犬丘犬丘垂地地有兩名○正義曰地有

兩名新舊改易者傳則言實以明之若二名俱存者傳則錯經以見之此犬丘與垂兩名俱存故傳不言實釋例曰若一地二名當時並有則直兩文互見黑壤犬丘時來之屬是也猶卿大夫各氏互見非例也

○鄭伯請釋泰山之祀而祀周公以泰山之祊易許

田三月鄭伯使宛來歸祊不祀泰山也成王營王

城有遷都之志故賜周公許田以為魯國朝宿之邑

後世因而立周公別廟焉鄭桓公周宣王之母弟封

鄭有助祭泰山湯沐之邑在祊鄭以天子不能復巡

守故欲以祊易許田各從本國所近之宜恐魯以周

公別廟為疑故云已廢泰山之祀而欲為魯祀周公

孫辭以有求也許田近許之田○泰山如字東岳能

近附近之近下同又如字復扶又反守手又反

欲為于偽及下為魯國疏成王至之田○正義



居土之中貢賦路均將於洛邑受朝許田近於于

故賜周公許田以為魯國朝宿之邑詩魯頌曰居常

與許復周公之宇是周公得許田也公羊傳曰許田

者何魯朝宿之邑也是許田為魯朝宿之邑鄭請易

許田而未祀周公故知後世因在許田之中而立周

公別廟焉鄭桓公以周宣王之母弟故於泰山之下

亦受祊田以為湯沐之邑祊邑內亦有鄭先君別廟

此時周室既衰王不巡守鄭以天子不復巡守則泰

山之祀既廢祊無所用故欲以祊易許田近鄭祊

田近魯各從本國所近之宜也魯以許田奉周公之

祀易其田則廢其祀恐魯以周公別廟為疑慮將不

許云已廢泰山之祀而欲為魯祀周公言鄭得許田

周公之祀不絕也云已廢泰山之祀者謂天子不復

巡守鄭家已廢此助祭泰山祭祀之事無所祭祀故

欲為魯祀周公其實廢來已久今始云已廢者欲為

魯祀周公故云已廢耳方便遜辭以求於魯也定四

年祝佗言康叔之受分物云取於有閭之士以共王

職取於相土之東都以會王之東蒐有閭之士猶魯

春秋左傳卷之四十三

之許田也相土之東都猶鄭之祊邑也鄭近京師無
 假朝宿魯近泰山不須湯沐各受其一衛以道路並
 遠故兩皆有之禮記王制曰方伯為朝天子皆有湯
 沐之邑於天子之縣內然則朝宿之邑亦名湯沐但
 向京師主為朝王從王巡守主為助祭祭必沐浴隨
 事立名朝宿湯沐亦互言之耳異義左氏說諸侯有
 大功德乃有朝宿湯沐之邑公羊說以為諸侯皆有
 朝宿湯沐之邑許慎以公羊為非則杜意亦從許慎
 也公羊傳曰此魯朝宿之邑也則曷為謂之許田諱
 取周田也諱取周田則曷為謂之許田繫之許也曷
 為繫之許近許也杜言近許之田是用公羊為說杜
 依公羊之傳邑實近許故以許為名劉君更無所馮
 直云別有許邑邑自名許非有近許
 ○夏虢公忌父
 國始名為許以規杜氏非其義也

始作卿士于周

周人於此遂畀之政

○畀必
○四

月甲辰鄭公子忽如陳逆婦媯辛亥以媯氏歸甲寅



入于鄭陳鍼子送女先配而後祖鍼子曰是不為夫

婦誣其祖矣非禮也何以能育

婦必先告祖廟而後行故楚公子圍稱告莊共之廟

鄭忽先逆婦而後告廟故曰先配而後祖

反共音恭

本亦作恭

未配三月廟見然後配案昏禮親迎之夜衽席相連

是士禮不待三月也禹娶塗山四日即去而有啓生

焉亦不三月乃配是賈之謬也鄭眾以配為同牢食

也先食而後祭祖無敬神之心故曰誣其祖也案昏
 禮婦既入門即設同牢之饌其間無祭祀之事先祭
 乃食禮無此文是鄭之妄也鄭玄以祖為被道之祭
 也先為配匹而後祖道言未去而行配案傳既言入
 于鄭乃云先配而後祖寧是未去之事也若未去先

配則鍼子在陳譏之何須云送女也此三說皆滯故杜引楚公子圍告廟之事言鄭忽先逆婦而後告廟故曰先配而後祖此時忽父見在計告廟以否當是莊公之事而譏忽者楚公子圍亦人臣矣而自布几筵告於莊共之廟不言稟君之命知逆者雖受父命當自告廟且忽先為配匹而後告祖見其告祖方始譏之知忽自告祖也或可鄭伯為忽娶妻先逆而後告廟鍼子見而譏之公子圍告廟者專權自由耳非也

正 ○齊人卒平宋衛于鄭秋會于溫盟于瓦屋以釋東門之役禮也

會溫不書不以告也定國息民故曰禮也平宋衛二國忿鄭之謀鄭不與盟故不書與音 ○八月丙戌鄭伯以齊人朝王禮也

言鄭伯不以號公得政而背王故禮之齊稱人畧從國辭上有七月庚午下有九月辛卯則八月不得有丙戌

音佩 丙戌言鄭至丙戌 ○正義曰庚午之後十六日而有丙戌二十一日而有辛卯七月有庚午九月有辛卯其間不容一月是八月不得有丙戌更遙一周則丙戌去庚午七十七日八月亦不得有丙戌是明丙戌為日誤長歷推七月丁卯朔四日庚午至二十日是丙戌九月丙寅朔二十六日辛卯其月二十一日是丙戌八月小丁酉朔十日丙午二十日丙辰二日戊戌十四日庚戌二十六日壬戌未知丙戌二字孰為誤也不直云日誤而檢上下者

因傳明文故顯言之他皆放此 ○公及莒人盟于浮來以成紀好也

二年紀莒盟于密為魯故今公尋之故曰以成紀好

○好呼報 ○冬齊侯使來告成三國 ○齊侯冬來告稱秋和三國公使眾仲對曰君

釋三國之圖以鳩其民君之惠也寡君聞命矣敢不

承受君之明德國鳩集也○無駭卒羽父請諡與族

公問族於眾仲眾仲對曰天子建德國立有德以為

諸侯因生以賜姓國因其所由生以賜姓謂若舜由

媯汭故陳為媯姓國○汭如國因其至媯姓○正義

者虞帝舜之後也昔舜為庶人時居于媯汭其後因

為氏姓媯氏武王克殷得媯滿封之於陳是舜由

媯汭故陳為媯姓也案世本帝舜姚姓哀元年傳稱

虞思妻少康以二姚是自舜以下猶姓姚也昭八年

傳曰及胡公不淫故周賜之姓是胡公始媯之土而

姓媯耳史記以為胡公之前已姓媯非也國報之

命之氏國報之以土而命氏曰陳國○昨才故國報

反報也國之至國報

曰陳○正義曰昨訓報也有德之人必有美報報之

以土謂封之以國名以為之氏諸侯之氏則國名是

也周語曰帝嘉禹德賜姓曰姒氏曰有夏昨四岳國

賜姓曰姜氏曰有呂亦與賜姓曰媯命氏曰陳其事

同也姓者生也以此為祖令之相生雖下及百世而


此姓不改族者屬也與其子孫共相連屬其傍支別

屬則各自立氏禮記大傳曰繫之以姓而弗別百世

而昏姻不通者周道然也是言子孫當共姓也其上

文云庶姓別於上而戚單於下是言子孫當別氏也

氏猶家也傳稱盟與子哲氏逐庾狗入於華臣氏如



各從父之姓族非復人人賜也晉語稱黃帝之子二十五人其得姓者十二人天子之子尚不得姓況餘人哉固當從其父耳黃帝之子兄弟異姓周之子孫皆姓姬者古今不同賈文代革周代尚文欲令子孫相親故不使別姓其賜姓者亦少唯外姓媯滿之徒耳賜族者有大功德宜世享祀者方始賜之無大功德任其興衰者則不賜之不賜之者公之同姓蓋亦自氏祖字其異姓則有舊族可稱不世其祿不盡賜也衆仲以天子得封建諸侯故云胙土命氏據諸侯言耳其王朝大夫不封爲國君者亦當王賜之族何則春秋之世有尹氏武氏之徒明亦天子賜之與諸侯之臣義無異也此無駭是卿羽父爲之請族蓋爲卿乃賜族大夫以下或不賜也諸侯之臣卿爲其極既登極位理合建家若其父祖微賤此人新升爲卿以其位絕等倫其族不復因故身未被賜無族可稱魯挾鄭宛皆未賜族故單稱名也或身以才舉者升卿位功德猶薄未足立家則雖爲卿竟不賜族羽父爲無駭請族知其皆由時命非例得之也華督生立



華氏知其恐慮不得故早求之也由此而言明有竟無族者魯之翬挾柔溺名見於經而其後無聞是或不得族也其士會之孛處秦者爲劉氏伍員之子在齊爲王孫氏外傳稱知果知伯之將滅自別其族爲輔氏如此之類皆是身自爲之非復君賜釋例以子孫繁衍枝布葉分始承其本末取其別故其流至於百姓萬姓其言自有百姓萬姓未必皆君賜也晉語稱炎帝姓姜則伯夷炎帝之後姜自是其本姓而云賜姓曰姜者黃帝之後別姓非一自以姜姓賜伯夷更使爲一姓之祖耳非復因舊姓也猶后稷別姓姬不是因諸侯以字諸侯位卑不得賜姓故其臣黃帝姓也

因氏其王父字爲諡因以爲族註或使卽先人之諡

稱以爲族

註諸侯至爲族○正義曰杜意諸侯以字言賜先人字爲族也爲諡因以爲族謂

賜族雖以先人之字或用先人所爲之諡因將爲族以諡爲族者衛齊惡宋戴惡之類是也而劉君乃稱

以諡為族全無一人妄規杜氏非其義也死後賜族
 乃是正法春秋之世亦有非禮生賜族者華督是也
 釋例曰舊說以為大夫有功德者則生賜族非也至
 於鄭祭仲為祭封人後升為卿經書祭仲以生賜族
 者檢傳既無同華氏之文則祭者是仲之舊氏也諸
 侯以字字有二等檀弓曰幼名冠字五十以伯仲周
 道也然則二十有加冠之字又有伯仲叔季為長幼
 之字二者皆可以為氏矣服虔云公之母弟則以長
 幼為氏貴適統伯仲叔季是也庶公子則以配字為
 氏尊公族展氏臧氏是也案鄭子人者鄭厲公之弟
 桓十四年鄭伯使其弟語來盟即其人也而其後為
 子人氏不以仲叔為氏則服言公之母弟以長幼為
 氏其事未必然也杜以慶父叔牙與莊公異母自然
 仲叔非母弟族矣其或以二十之字或以長幼之字
 蓋出自時君之命也叔貽稱叔不稱孫而三桓皆稱
 孫俱氏長幼之字自不同也臧氏稱孫展氏不稱孫
 俱氏二十之字自不同也然則稱孫與不稱孫蓋出
 其家之意未必由君賜也以字為族者謂公之曾孫



以王父之字為族也諸侯之子稱公子公子之子稱
 公孫公子公孫繫公之常言非族也其或貶責則亦
 與族同成十四年叔孫僑如如齊逆女傳曰稱族尊
 君命也僑如以夫人婦姜氏至自齊傳曰舍族尊夫
 人也宣元年公卒遂如齊逆女遂以夫人至事與僑
 如正同其傳直云尊君命尊夫人不言稱族舍族既
 非氏族則不待君賜自稱之矣至於公孫之子不復
 得稱公會孫如無駭之輩直以各行及其死也則賜
 之族以其王父之字為族也此無駭是公之曾孫公
 之曾孫必須有族故據曾孫為文言以王父字耳公
 之曾孫正法死後賜族亦有未死則有族者則叔孫
 得臣是也公子公孫於身必無賜族之理經書季友
 仲遂叔貽者皆是以字配名連言之故杜註並云字
 也其蕩伯姬者公子蕩之妻不可言公子伯姬故繫
 於夫字言蕩伯姬者公子蕩非當時之氏其傳云立叔孫氏
 臧僖伯臧哀伯叔孫戴伯之徒皆傳家據後追言之
 耳其公孟疆世本以為靈公之子字公孟各疆與季
 友仲遂相似俱以字配名劉炫不達此旨妄規杜過

非也必如劉解生賜族之文證在何處其公之曾孫
玄孫以外爰及異姓有新升為卿君賜之族蓋以此
卿之字即為此族案世本宋督是戴公之孫好父說
之子華父是督之字計督是公孫耳未合賜族應死
後其子乃賜族故杜云督未死而賜族官有世功則
督之安也沈亦云督之子方可有族耳

有官族邑亦如之 謂取其舊官舊邑之稱以為族

皆稟之時君 稱尺 謂取至時君 正義曰舊

魏趙氏非是君賜則不得為族嫌其居官邑不待公

命故云皆稟之時君此謂同姓異姓皆然也服虔止

謂異姓又引宋司城韓魏為證韓與司城非 公命以

異姓司城又自為樂氏不以司城為族也 孫之子以王父字為氏無駭公子展之孫故為展氏

經九年春天子使南季來聘 無傳南季天子大夫也

南氏季字也

三月癸酉大雨震電庚辰大雨雪 三月今正月 徒練

反雨雪干 大雨震電 正義曰說文云震劈歷震

付反傳同 物者電陰陽激耀也 河圖云陰陽相薄

為雷陰激陽為電然則震是雷之劈歷雷是雷光傳

十五年震夷伯之廟是劈歷破之雷之甚者為震故

何休云震雷也 大雨雪 正義曰說文云雨水從

雲下也然則雨者天上下水之名既見雨從天下自

上下者因即以雨言之雨蠡亦稱為雨故大雪稱雨
雪也平原出水為大水直書大水平地尺為大雪不
直書大雪而云大雨雪者水則從天入地出地乃為
多見其在地之多言其出水之大故不言大雨水雪
則自天而下即委之於地見其自上而下言其下
雪之多故言大雨雪水則俯視雪則仰觀故立文有



亦與害同 **挾卒** 無傳挾魯大夫未賜族

夏城郎

秋七月

冬公會齊侯于防 **防**魯地在琅邪縣東南

傳九年春王三月癸酉大雨霖以震書始也 **書**癸

酉始雨日 霖音林爾雅云久雨謂之淫淫雨謂之霖 庚辰大雨雪亦如

之書時失也 **夏**之正月微陽始出未可震電既震

電又不當太雨雪故皆為時失凡雨自三日以往為

霖 **此**解經書霖也而經無霖字經誤 **此**解至



義曰傳發凡以解經若經無霖字則傳無由發故知經誤然則經當如傳言大雨霖以震不當云大雨震電是經脫霖以二平地尺為大雪 **夏城郎書不時**

也 **宋公不王** **不**共王職 共音恭本亦作供 **鄭伯為王左**

卿士以王命討之伐宋宋以入郟之役怨公不告命

入郟在五年公以七年代邾欲以說宋而宋猶不

和也 **公怒絕宋使** **秋**鄭人以王命來告伐宋 **遣**

使致王命也伐宋未得志故復往告之 **冬**公會齊

侯于防謀伐宋也 **北**戎侵鄭鄭伯禦之患戎師曰

彼徒我車懼其侵軼我也 **徒**步兵也軼突也 **直**結

春秋左傳卷之四十二 及古

反又音逸 公子突曰使勇而無剛者嘗寇而速去之

于突鄭厲公也嘗試也勇則能往無剛不恥退君為

三覆以待之 覆伏兵也戎輕而不整貪而無親勝

不相讓敗不相救先者見獲必務進進而遇覆必速

奔後者不救則無繼矣乃可以逞 逞解也 輕遣

勅領反解音 戎必逐之逐其去者必有所獲獲謂

獲鄭人也在先者見逐有所獲不復顧後必務在速

進謂棄其後者獨自先進進而遇覆必速迺奔走後

者不救則是無繼續矣無繼則易敗如是乃可以解

患服虔云先者見獲言必不中 鄭獲也鄭人速去以

貪利也其言見獲者當謂戎被鄭獲也鄭人速去以

誘之安得獲戎也在先者已被鄭獲重獲者將復為

虜各自務進欲何所貪而云貪利 從之戎人之前遇

也此則不言可解無故以解亂之 覆者奔祝聃逐之

祝聃鄭大夫 聃乃其反 衷戎 師前後擊之盡殪

為三部伏兵祝聃帥勇而無剛 者先犯戎而速奔以遇二伏兵至後伏兵起戎還走

祝聃反逐之戎前後及中三處受敵故曰衷戎師殪

死也 衷丁仲反又音忠 殪為三至死也 正義

殪於計反處昌慮反 曰前後及中三處受敵

者前謂第一伏逆其前也後謂祝聃與後伏逐其後

也中謂第二伏擊其中也衷戎師者謂戎師在三伏

之中殪死 戎師大奔 後駐軍不復繼也 駐丁十



春秋左傳卷之四十一 及五月

正文所謂必廣記而備言之將令學者原始要終尋

其枝葉究其所窮他皆放此○令力呈反**疏**十一月

○正義曰此即上傳所說擊戎之事史官得其戰狀

乃裁約為之辭經之所陳皆是此類既不書經故準

經為文以總之


經十年春王二月公會齊侯鄭伯于中丘**註**傳言正月

會癸丑盟釋例推經傳日月癸丑是正月二十六日

知經二月誤

夏鞏帥師會齊人鄭人伐宋**註**公子鞏不待公命而貪

會二國之君疾其專進故去氏齊鄭以公不至故亦



更使微者從之伐宋不言及明鞏專行非鄧之謀也

及例在宣七年○去起呂**疏**公子至七年○正義

鄭伯是不待公命也貪會二國之君自求其名時史

疾其專進故取去公子公子義與氏同故以氏言之

中丘之會計君自親行今齊鄭稱人是使微者從之

也於例師出與謀曰及傳稱盟于鄧為師期公既與

謀計當書及今乃言會明其以鞏專行非鄧之謀釋

例曰王命伐宋羽父不匡君以速進而先會二國自

以為名故取去其族齊為侯伯鄭伯又為王卿士二

君奉王命以討宋惡羽父之專進故使與微者同伐

于中丘已為師期輦又請公先會先會則是君命故以書之

六月壬戌公敗宋師于菅齊鄭後期故公獨敗宋師

書敗宋未陳也敗例在莊十一年菅宋地菅古頑反陳直觀

反齊鄭至宋地○正義曰案傳公會齊侯鄭伯于老桃然後公敗宋師則知老桃之會謀與宋

戰彼與公謀戰而公獨辛未取郟辛巳取防鄭後

敗宋師知齊鄭後期也至得郟防二邑歸功于魯故書取明不用師徒也濟

陰城武縣東南有郟城高平昌邑縣西南有西防城

○郟古報反字林又工竺反

秋宋人衛人入鄭宋人蔡人衛人伐戴鄭伯伐取之註



三國伐戴鄭伯因其不和伐而取之書伐用師徒也

書取克之易也戴國今陳留外黃縣東南有戴城戴

音再字林作戴云故國三國至戴城○正義曰

在陳留易以政反傳同案傳例克邑不用師徒曰

取然則取者據克邑之易今此克得軍師亦稱取者

但取者雖據克邑之文其克得師衆而易者亦曰取

是以莊十一年註云威力兼備若羅網所掩覆一軍

皆見禽制若非前敵之易何能覆而取之故釋例曰

如取如攜然則凡言取者皆易辭劉君以取之非易

冬十月壬午齊人鄭人入郟

春秋左

卷之四二十三

及古

傳十年春王正月公會齊侯鄭伯于中丘癸丑盟于

鄧為師期尋九年會于防謀伐宋也公既會而盟

盟不書非後也蓋公還告會而不告盟鄧魯地尋

九年魯地○正義曰九年傳稱會于防謀伐宋未及

伐宋而更為此會為師伐宋之期知是尋防會也釋

例曰盟于鄧盟于犂盟于戚公既在會而不書盟者

以理推之會在盟前知非後盟也蓋公還告會而不

告○夏五月羽父先會齊侯鄭伯伐宋言先會明

非公本期釋犂之去族○六月戊申公會齊侯鄭伯

于老桃會不書不告於廟也老桃宋地六月無戊

申戊申五月二十三日日誤會不至日誤○正

義曰六月無戊申者



下有辛巳取防亦在六月之內戊申在辛巳之前三

十三日不得共在一月上有五月今別言六月知日

誤月不誤長歷推六月丙辰朔三壬戌公敗宋師于

日戊午五日庚申未知二者孰誤

管庚午鄭師入郟辛未歸于我庚辰鄭師入防辛巳

歸于我壬戌六月七日庚午十五日庚辰二十五

日鄭伯後期而公獨敗宋師故鄭頻獨進兵以入郟

防入而不有命魯取之推公上爵讓以自替不有其

實故經但書魯取以成鄭志善之也君子謂鄭莊公

於是乎可謂正矣以王命討不庭下之事上皆成

其勤以答之諸侯相朝逆之以饗餼謂之郊勞魯侯

爵尊鄭伯爵卑故言以勞王爵○勞力報反註

者至王爵○正義曰聘禮賓至于近郊君使卿朝服

用束帛勞覲禮至于郊王使人皮弁用璧勞周禮司

儀曰諸公相為賓主君郊勞皆不言以饗餼勞案禮

饗餼乃是既相見致大禮不應於郊以設之杜意蓋

以熟食曰饗生牲曰饋以勞客於郊必有牲饌故以

饗餼言之非謂大禮之饗餼也勞禮大行人云上公

三勞近郊勞一也遠郊勞二也竟首勞三也侯伯再

勞去竟首于男一勞去遠郊凡近郊勞皆君自行遠

郊使卿竟首使大夫掌客又云上公五積皆君行遠

侯伯四積于男三積是賓入竟之後有致積之禮積

雖是牽亦或有熟或在郊致積故謂之郊勞沈依聘

禮註其郊之遠近上公遠郊五十里侯伯三十里于

男十里近郊各半之○蔡人衛人邠人不會王命

不伐宋也

○秋七月庚寅鄭師入郊猶在郊註鄭師還駐兵於

遠郊宋人衛人入鄭註宋衛奇兵承虛入鄭蔡人從

之伐戴註從宋衛伐戴也八月壬戌鄭伯圍戴癸亥

克之取三師焉註三國之軍在戴故鄭伯合圍之師

者軍旅之通稱○稱尺疏三國之軍在戴城下故鄭

伯合圍之不言圍戴者本意圍三師不圍戴也不言

圍三師者今日圍明日取圍之不久徑以取告不以

圍告三國經皆稱人於例為將卑師少宋衛既入鄭

而以伐戴召蔡人註伐戴乃召之蔡人怒故不和而

敗註言鄭取之易也○九月戊寅鄭伯入宋註報入



鄭也九月無戊寅八月二十四日疏報入至

義曰九月無戊寅者經有十月壬午長歷推壬午十月二十九日戊寅在壬午之前四日耳故九月不得有戊寅上有八月下疏冬齊人鄭人入郕討違王命

也

經十有一年春滕侯薛侯來朝註諸侯相朝例在文十

五年列反薛息疏十有一年以來朝正義曰十下言

數故言有也經備文傳從畧故傳不言有桓七年穀

伯鄧侯別言來朝此兼言來朝者彼別行禮此同行禮由同時行禮常

長者先故爭之夏公會鄭伯于時來註時來邾也榮陽縣東有釐城鄭



地也邾音來釐音來王完規力之反

秋七月壬午公及齊侯鄭伯入許註與謀曰及還使許

叔居之故不言滅也許潁川許昌縣與音預疏與

謀至昌縣正義曰與謀曰及宣七年傳例也傳稱

會于邾謀伐許是公與謀也譜云許姜姓與齊同祖

堯四岳伯夷之後也周武王封其苗裔文叔于許今

潁川許昌是也靈公徙葉悼公遷夷一名城父又居

析一名自羽許男斯處容城自文叔至莊公十一世

始見春秋元公子結元年獲麟之歲也當戰國初楚

滅之地理志云潁川郡許縣故許國文叔所封二十

冬十有一月壬辰公薨註實弒書薨又不地者史策所

諱也。魯君見弒則書薨，公薨例皆地。此公又不地，故解之言魯史策書所諱也。不忍言君之見弒，又不忍言其僵尸之處，諱而不書，故夫子因之傳，不言書曰知是舊史諱之也。董狐書趙盾弒君，仲尼謂之良史，不書君弒，則是史之不良。夫子不改其文，而因之者，為人臣者或心實愛君，為諱愆過，或志在疾惡，故章賊名，雖事跡不同，而俱是為國聖賢兩通其事。欲見仁非一涂，僖元年傳曰諱國惡禮也。以仲尼之善董狐，知為史必須直也。以丘明之禮諱惡，知為史又當諱也。釋例曰：臣之事君，猶子事父，微諫見志，造膝跪辭，執其是而諫，其非不必其得，蓋匡救將然而將順其已然，故有隱諱之義焉。至於激節之士，則不然。南史執簡而累進，董狐書法而不隱，鬻拳劫君而自刎，晏嬰端委而引直，聖賢亦錄而言之，所以廣義訓博大道。殷有三仁，此之謂也。是言聖賢兩通之意也。鄭伯髡頑，楚子麇齊侯陽生之徒，俱實在弒而以辛赴魯，是伯國之臣亦有諱國惡者，非獨魯史也。

傳十一年春滕侯薛侯來朝爭長

薛魯國薛縣。正義曰：諸云薛任姓，及下文同。薛魯國薛縣。正義曰：諸云薛任姓，縣是也。奚仲遷于郟，仲虺居薛，以為湯左相。武王復以其胄為薛侯，齊桓霸諸侯，黜為伯獻，公始與魯同盟。小國無記世不可知，亦不知為誰所滅。地理志云：魯國薛縣，夏車正奚仲所國，後遷于郟，湯相仲虺居之。薛侯曰我先封。薛祖奚仲，夏所封在周之前。

戶雅疏：薛祖奚仲之前。正義曰：定元年傳者薛之反。皇祖奚仲居薛，以為夏車正，是夏所封也。滕侯曰我周之卜正也。卜正卜官之長。疏：卜正

長。正義曰：周禮春官大卜，下大夫二人，其下有卜師，卜人龜人筮人，大卜為之。長正訓長也，故謂之卜。薛庶姓也，我不可以後之。庶姓非周之同姓。

註庶姓至同姓。○正義曰周禮司儀職云詔王儀南鄉見諸侯土揖庶姓時揖異姓天揖同姓鄭玄云庶姓無姓者也異姓婚姻公使羽父請於薛侯曰君與者也是庶姓非同姓也

勝君辱在寡人周諺有之曰山有木工則度之賓有

禮主則擇之**註**擇所宜而行之也。○諺音彦俗言周之

宗盟異姓為後**註**盟載書皆先同姓例在定四年

周之至為後。○正義曰賈逵以宗為尊服虔以宗盟為同宗之盟孫毓以為宗伯屬官掌作盟詛之載辭故曰宗盟杜無明解盟之尊卑自有定法不得言尊盟也周禮甸盟之官乃是司寇之屬非宗伯也唯服之言得其肯矣而孫毓難服云同宗之盟則無與異姓何論先後若通共同盟則何稱於宗斯不然矣天子之盟諸侯令其共獎王室未聞離迭異姓獨與同宗者也但周人貴親先敘同姓以其篤於宗族是故



謂之宗盟魯人之為此言見其重宗之義執其宗盟之文即云無與異姓然則公與族燕則異姓為賓復言族燕不得有異姓也孟軻所云說詩者不以辭害意此之謂也異姓為後者謂王官之伯降臨諸侯以王命而盟者耳其春秋之世狎主齊盟者則不復先姬姓也踐土之盟其載書云王若曰晉重魯申是用王命而盟也召陵之會劉子在焉故祝佗引踐土為比為有王官故也宋之盟楚屈建先於趙武明是大國在前不先姬姓若姬姓常先則楚不得競也且言周之宗盟是唯周乃然故釋例曰斥周而言指謂王官之宰臨盟者也其餘雜盟未必皆然而言指謂王先姬姓盟則同姓在先朝則各從其爵故鄭康成註禮記云朝覲爵同姓在先朝則各從其爵故鄭康成註受舍于朝同姓西面北上異姓東面北上鄭玄云言諸侯明來朝者眾矣顧其入覲不得並耳分別同姓異姓受之將有先後也若如此言則似朝覲不以爵者但朝覲實以爵同同位就爵同之中先同姓後異姓若盟則爵雖不同先同姓也禮記周公朝諸侯于

明堂之位三公中階之前北面東上諸侯之位阼階之東西面北上諸伯之國西階之西東面北上諸子之國門東北面東上諸男之國門西北面東上觀禮於方明之壇鄭喜諸侯見王之位亦引明堂位為說是則諸侯總見皆以爵為班雖不分別同姓異姓其受禮之時爵同者猶先同姓也其王官之伯臨諸侯之盟雖羣后咸在常先同姓故此言宗盟耳取重宗之事以喻已也取譬之事聊舉一邊寡人若朝于薛不敢與諸任齒

薛不敢與諸任齒 註薛任姓齒列也 ○任音薛 註任姓齒列也 ○正義曰世本氏姓篇云任姓謝章薛舒呂

祝終泉畢過言此十國皆任姓也禮記文王世子曰古者謂年齒齒亦齡也然則齒是年之別各人以年齒相次列以爵位用次列亦名為齒故云齒列也
君若辱貺寡人則願以勝君為請薛侯許之乃長勝

侯 ○夏公會鄭伯于邾謀伐許也鄭伯將伐許五月

甲辰授兵於大宮 註大宮鄭祖廟 ○大音泰 **公孫闕與穎**

考叔爭車 註公孫闕鄭大夫 ○闕於葛反 **穎考叔挾輈以**

走 註輈車輈也 ○挾音協 註輈張留反 註挾輈以走 ○正義曰廟

挾以走輈輈也方言云楚衛謂輈為輈服虔云考叔挾車輈箠馬而走古者兵車一輈服馬夾之若馬已在輈不可復挾且箠馬而走非
子都拔棘以逐之 註子都公孫闕棘戟也及大逵弗及子都怒 註逵道方

九軌也 ○逵求龜反爾雅云九逵謂之 註九軌也 ○正義曰冬官考工記匠人營國經塗九軌軌車軌謂

王城之內道廣並九車也爾雅釋宮云一逵謂之道



路二達謂之岐旁三達謂之劇旁四達謂之衢五達謂之康六達謂之莊七達謂之劇驂八達謂之崇九達謂之達說爾雅者皆以為四道交出復有旁道故劉炫規過以達為九道交出也今以為道方九軌者蓋以九出之道世俗所希不應城內得有此道以記有九軌故以達當之言並容九軌皆得前達亦是九達之義故李巡註爾雅亦取並軌之義又涂方九軌天子之制諸侯之國不得皆有唯鄭城之內獨有其涂故傳於鄭國每言達也故桓十四年焚渠門入及大達莊二十八年衆車入自純門及達市宣十二年入自皇門至于達路劉君以為國國皆有達道以規杜氏其義非也 ○秋七月公會

齊侯鄭伯伐許庚辰傳于許傳于許城下附註同

穎考叔取鄭伯之旗蝥弧以先登蝥弧旗名亡侯

反弧音胡建廡而左傳鄭有蝥弧齊有靈姑鉅皆諸侯

之旗也趙簡子有蜂旗卿之旗也其名當時為之其義不可知也子都自下射之顛註同隊直類反瑕叔盈又以蝥弧登

招也○麾許危反又許僞反呼火故反徧音遍鄭師畢登壬午遂入許許

莊公奔衛奔不書兵亂遁逃未知所在頓反齊

侯以許讓公公曰君謂許不共不共職貢○共音恭本亦

作供音同故從君討之許既伏其罪矣雖君有命寡

人弗敢與聞乃與鄭人鄭伯使許大夫百里奉許叔

以居許東偏許叔許莊公之弟東偏東鄙也○與

及古音

宋火音

宋火音

預曰天禍許國鬼神實不逞于許君而假手于我寡

人借手于我寡德之人以討許寡人唯是一二父

兄不能共億父兄同姓羣臣共給億安也

其敢以許自為功乎寡人有弟不能和協而使餽其

口於四方弟共叔段也餽鬻也段出奔在元年

音胡說文云寄食鬻本又

作鬻之育反又與六反

故知唯是共叔段也說文云餽寄食也以此傳言餽

口四方故以寄食言之昭七年傳云餽於是鬻於是

以餽余口釋言云餽餽也則餽是餽鬻別名今人以

薄鬻塗物謂之餽紙餽帛則餽者以鬻食口之名故

云餽其其況能久有許乎善子其奉許叔以撫柔此

民也吾將使獲也佐吾子獲鄭大夫公孫獲若寡

人得没于地以壽終天其以禮悔禍于

許言天加禮於許而悔禍之無寧茲許公復奉其

社稷無寧寧也茲此也唯我鄭國之有

請謁焉如舊昏媾謁告也婦之父曰昏重昏曰媾

講古豆反其能降以相從也降降心也無滋

他族實偏處此以與我鄭國爭此土也吾子孫其覆

亡之不暇而况能禮祀許乎絜齊以享謂之禮祀



謂許山川之祀○覆芳服反暇行嫁反禮至之祀音因齊側皆反本亦作齊

○正義曰釋詁云禮祭也孫炎曰禮祭敬之祭周語曰精意以享禮也是絜齊以享謂之禮享訓獻也言絜清齊敬以酒食獻神也禮諸侯祭山川之在其地者若其受許之士則當祭許山川故知祀謂許山川

之寡人之使吾子處此不唯許國之為亦聊以固吾

圉也○為于偽反義曰釋詁云圉垂也

也舍人曰乃使公孫獲處許西偏曰凡而器用財賄

無寘於許我死乃亟去之吾先君新邑於此此今

河南新鄭舊鄭在京兆○賄呼罪反字林音悔寘之或反置也亟紀力反急也下

註此今至京兆○正義曰地理志云河南郡新鄭縣詩鄭桓公之子武公所國是知新邑於此



謂河南新鄭也且志又云京兆鄭縣周宣王弟鄭桓

公邑是知舊鄭在京兆也志又云本周宣王弟反為

周司徒食采於宗周畿內是為鄭桓公桓公問於史

伯曰王室多故何所可以逃死史伯為桓公謀取虢

鄆之地令寄帑與賄而虢鄆受之後二年幽王敗桓

公死其子武公與平王東遷卒定虢鄆之地然則傳

云先君新邑於此謂武公始居此也史記鄭世家稱

虢鄆自分于邑獻於桓公桓公竟國之案鄭語桓公

始謀未取之也武公始國非桓公也全滅虢鄆非獻

邑也馬遷之言皆謬耳昭十六年傳子產謂韓宣子

曰我先君桓公與商人皆出自周以艾殺此地而共

處之者謂寄帑與賄之時商人即與俱行耳非桓公

身至王室而既卑矣周之子孫日失其序鄭亦周

之子孫夫許大岳之胤也大岳神農之後堯四岳

也胤繼也○大岳音泰稱共工伯鯀二者皆黃炎之後

言解為黃帝之後共工為炎帝之後炎帝則神農之
 別號周語又稱堯命禹治水共之從孫四岳佐之
 四岳國命為侯伯賜姓曰姜氏曰有呂賈達云共
 工也從孫同姓末嗣之孫四岳官名大岳也主四岳
 之祭焉姜炎帝之姓其後變易至於四岳帝復賜之
 祖姓以紹炎帝之後以此知大岳是神農之後堯四
 岳也以其主岳之祀尊之故稱大岳許國是
 其後也胤繼也釋詁文舍人云胤繼世也 **天而既**

厭周德矣吾其能與許爭乎君子謂鄭莊公於是乎
有禮禮經國家定社稷序民人利後嗣者也許無刑

而伐之服而舍之 **刑** 刑法也 **厭** 於 **禮** 禮經至嗣者
也 正義曰

經謂紀理之若詩之經營經始也國家非禮不治社
 稷得禮乃安故禮所以經理國家安定社稷以禮教
 民則親戚和睦以禮守位則澤及子孫故禮所以次
 序民人利益後嗣經國家猶詩序之言經夫婦也

度德而處之量力而行之相時而動無累後人 **我**

死乃亟去之無累後人 **可** 度待洛反量音良下同
 相息亮反累劣偽反註同

謂知禮矣 **鄭伯使卒出豶行出犬雞以詛射穎考**

叔者 **百人為卒二十五人為行行亦卒之行列疾**

射穎考叔者故令卒及行間皆詛之 卒尊忽反註
 同殺音加猪別

名行戶剛反註同詛 **禮** 百人至詛之 正義曰周
 禮夏官序制軍之法百人為

卒二十五人為兩此言二十五人為行者以傳先卒
 後行殺大於犬知行之人數少於卒也軍法百人之

下唯有二十五人為兩耳又大司馬之屬官行司馬
 是中士軍之屬官兩司馬亦中士知周禮之兩即此

行是也周禮之行謂軍之行列知此行亦卒之行列
 也詛者盟之細殺牲告神令加之殃咎疾射穎考叔



者令卒及行間祝詛之欲使神殺之也一卒之內已用一殺又更令一行之間或用雞或用犬重視詛之犬雞者或雞或犬非雞犬並用何則盟詛例用一牲不用二也殺謂豕之牲者爾雅釋獸豕牝曰豨豨者是牝知豨者是牡祭祀例不用牝且君子謂鄭莊公宋人謂宋朝為艾殺明以雄猪喻也

失政刑矣政以治民刑以正邪既無德政又無威刑

是以及邪大臣不睦又不能用刑於邪人○邪似及註

邪而詛之將何益矣○王取鄔劉二邑在河南緱氏縣西南有鄔聚西北有劉亭○鄔鳥戶反緱

侯反聚才遇反薦邪之田于鄭鄭二邑○薦尤委而

與鄭人蘇忿生之田蘇忿生周武王司寇蘇公也

忿芳粉反○蘇忿至公也○正義曰成十一年傳曰昔

書立政稱周公告大史溫今溫縣原在沁水縣

西○沁七侵反字林先任反郭璞王蒼解詁音緇

在野王縣西南之反樊一名陽樊野王縣西南

有陽城○樊扶隰在懷縣西南○隰詳立反

茅在修武縣北○橫木向軹縣西有地名向上

○向舒亮反盟津音孟州今州縣陞關

音刑墮在修武縣北音徒懷今懷縣凡十二

邑皆蘇忿生之田橫茅墮屬汲郡餘皆屬河內君子

春秋左傳卷之四 二十四

及古

及古

及古

及古

是以知桓王之失鄭也怒而行之德之則也禮之經也已弗能有而以與人人之不至不亦宜乎

蘇氏 叛王十二邑王所不能有為桓五年從王伐鄭張本

○鄭息有違言以言語相違恨息侯伐鄭鄭伯與

戰于竟息師大敗而還息國汝南新息縣竟音

本作鄭息國至息縣正義曰世本息國姬姓

音息此息侯伐鄭責其不親親知與鄭國同姬

姓也莊十四年傳楚文王滅息其初則不知誰之子

何時對也地理志汝南郡有新息縣故息國也應劭

云其後東徙故加新字乎蓋本自他處而徙此也

君子是

以知息之將亡也不度德鄭莊賢度待不量力

息區弱不親親鄭息同姓之國不徵辭不察有

罪言語相恨當明徵其辭以審曲直不宜輕鬪犯

五不韙而以伐人其喪師也不亦宜乎韙是也

喪鬼反蒼頡篇○冬十月鄭伯以虢師伐宋壬戌大

敗宋師以報其入鄭也入鄭在十年宋不告命故

不書凡諸侯有命告則書不然則否命者國之大

事政令也承其告辭史乃書之于策若所傳聞行言

非將君命則記在簡牘而已不得記於典策此蓋周

禮之舊制傳直師出臧否亦如之臧否謂善惡

得失也滅而告敗勝而告克此皆互告不須兩告乃

書○否音鄙又方九反註同雖及滅國滅不告敗勝不告克不書

于策凡諸至于策正義曰此傳雖因宋不告敗

故註云命者國之大事政令也謂諸是命非獨為被伐之命

盟戰伐克取君臣乖離水火災害經書他國之事皆

是來告則書不告則否來告則書者或彼以實告改

其告辭而書之或彼以虛告因其虛言而記之立文

褒貶章示善惡雖復依告者多不必盡皆依告衛獻

公之出奔也傳稱孫林父甯殖出其君名在諸侯之

策及其書經則云衛侯出奔齊如此之類是改告辭

也晉人之敗秦也傳稱潛師夜起以敗秦于令狐秦

實未陳不與晉戰晉人諱背前言妄以戰告及其書

經乃言晉人及秦人戰于令狐如此之類是因虛言

也雖復或因其虛或改其實終是歸於勸戒而告乃

書也不然則否者雖復傳聞行言實知其事但非故

道來告知亦不書所以慎謬誤辭不審若楚滅

滅文仲歎而為言魯非不知但無命來告故不書也

師出滅否亦如之者傳因被兵發例嫌出師代人

必須告故重明之雖及滅國者既據侵伐發例又

滅國事重不待告命故更明之言不書于策者明告

命大事皆書於國史正策以見仲尼修定悉因正策

之文○滅否至乃書○正義曰不言勝敗而言滅

否者明其滅否之言非徒勝敗之謂故知是善惡

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

羽

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

大宰官名

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

父請殺桓公將以求大宰

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

宰官名

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

則并六為三而兼職焉

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

孫為司馬孟孫為司空

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

名見於經

官以榮已耳以後更無公曰為其少故也吾將授之

矣授桓位○為于偽反使管菟裘吾將老焉菟

裘魯邑在泰山梁父縣南不欲復居魯朝故別營外

邑菟兔都反裘音未父羽父懼反譖公于桓公而

請弑之公之為公子也與鄭人戰于狐壤止焉內

諱獲故言止狐壤鄭地譖側鳩反弑音殺鄭人囚諸

尹氏尹氏鄭大夫賂尹氏而禱於其主鍾巫主

尹氏所主祭賂音路禱下老反遂與鄭氏歸而立

其主立鍾巫於魯十一月公祭鍾巫齊于社圃

社圃園名圃布館于寫氏館舍也寫氏魯大夫

○寫于壬辰羽父使賊殺公于寫氏立桓公而討寫

氏有死者欲以殺君之罪加寫氏而復不能正法

誅之傳言進退無據討寫氏有死者○正義曰劉

氏所弑公在寫氏而死遂誣寫氏弑君欲以正法誅

之君非寫氏所弑故討寫氏之家僅有死者而已言

不總誅之欲以至無據○正義曰劉炫云欲以

弑君之罪加寫氏則君非寫氏所弑而復不能以正

法誅之正法謂滅其族汗其宮也傳言此者進退無

據進誅寫氏則實非寫氏弑君退舍寫氏則無弑君



春秋左傳註疏卷第四

終

春秋左傳註疏卷第五

相元年
盡二年

晉杜氏註

唐孔穎達疏

桓公

陸曰桓公名軌惠公之子隱公之弟母仲子史記亦名允諡法辟土服遠曰桓

疏正

曰魯世家桓公名允惠公之子隱公之弟仲子所生以桓在九年即位莊王三年薨世本桓公名軌世族譜亦為軌諡法辟土服遠曰桓諡法非一畧舉一耳亦不知本以何行而為此諡他皆放此是歲歲在玄枵

經元年春王正月公即位

嗣子位定於初喪而改元

必須踰年者繼父之業成父之志不忍有變於中年